



UNIVERSITÄTS-
BIBLIOTHEK
PADERBORN

Universitätsbibliothek Paderborn


Mysticvm Heliotropivm Hoc Est Selectæ Industriæ Ad Unionem Cum Deo consequendam

Gianotti, Alfonso

Ingolstadii, 1658

Introductio sive Ingressus ad sequentes Industrias.

[urn:nbn:de:hbz:466:1-51801](https://nbn-resolving.org/urn:nbn:de:hbz:466:1-51801)



INTRODVCTIO.
CHRISTIANE LECTOR



I magnæ obligationi,
quam altissimæ Pro-
fessionis tuæ status in-
ducit, ex æquo ac con-
dignè respondere velis,

obligatum te esse noveris illum quam
potes proximè imitari, à quo, una cum
nomine, Gratiæ & Fidei donum, omne-
que aliud bonum tibi profluxit, hoc
est **JESVM CHRISTVM**. Animam
illius si consideres, omni virtutum &
sanctitatis decore plenā invenies, ut-
pote quæ primo statim creationis suæ
instanti arcto quodam & indissolubili
nexu, eoque duplici, uno quidem
Unionis Hypostaticæ, altero verò Vi-
sionis Beatificæ, Deo suo intimè con-
juncta fuit, quâ tanquam ingentium
A divi-



divitiarum Summâ supra incontinentiam
 natam purissimæ vitæ Innocentiam
 veluti supra basin ac fundamentum
 inestimabiles illos omnis Perfectionis
 omnisque Plenitudinis thesauros fun-
 davit, ex quibus Terra Cælumque
 cumulativissime postmodum ditata ab-
 undaverunt. Quod si igitur & tu quo-
 que ad imitandam illius sanctitatem
 aspirare velis, animum ad hoc appli-
 ces, & in hoc solum incumbas necesse
 est, ut DEVM tuum invenias, illique
 invento te unias; per memoriam qui-
 dem, quàm potes frequentissime, il-
 lum tibi proponendo, illiusque re-
 cordando; per intellectum, conside-
 rando illum, dicta & facta illius fre-
 quenter animo recolendo; per Volun-
 tatem denique continuis & inflamma-
 tis affectibus ad summum illud & infi-
 nitum Bonum avolando, cui impos-
 sibile est serio animo appropinquare,
 quin bonitatem ab eo contrahas: si-
 cut

cut impossibile est igni approximare,
quin ab eo, si non ardeas, saltem ca-
lorem reportes.

Omne nostrum Esse, omne naturæ
bonum, nobis à DEO, qui omnia in
omnibus præsentissimus operatur, ve-
lut à Fonte dimanat. Bonum verò no-
strum supernaturale, quantum ex
parte nostrâ est, ex eo originem sumit,
quòd DEVM quæramus, omnique
affectu ad eum convertamur; perfici-
tur autem, quando anima cognitio-
ne & amore eidem intime unitur, non
solum in hoc mortalis vitæ curriculo,
sed in illâ quoq; immortalitatis æter-
nitate; magno tamen utrobique cum
discrimine; nam corruptibili adhuc
carni sociata non nisi mediantibus
rebus corporeis, & quasi absconditum
sub ingenti hoc aspectabilis Vniversi
corpore, toti quidem & singulis illius
partibus, instar animæ in corpore hu-
mano existentis, præsentem invenire

A 2

potest:

potest: at ubi ab aggravante corpore
hujus mole (quæ instar densæ nubis
desideratissimi solis, DEI scilicet
aspectum adimit) evadit libera, ele-
vante lumine gloriæ de facie ad fa-
ciem intuetur, eoque perenniter fru-
endo jugiter delectatur.

Oportet igitur DEVM nostrum
quæramus ope ac medio creaturâ
& in ipsis invento commoremur am-
ando illum, ipsique in creaturis tan-
quam in ænigmate cognito inservi-
endo, ipsius conversatione fruendo,
& in ea prælibanda quasdam Paradi-
si delicias, quas identidem DEVS no-
ster immittit in corda eorum, qui
ipsum diligunt. Et hic modus esse
Christianum, Christi scilicet imitatio-
nem & perfectionis studiosum proba-
di, atque in virtutibus proficiendi.

Ne verò ad solitas tibi recurras ex-
cusationes, nescire te, quid quove
modo istud aggredi vel peragere de-
beas

Introductio.

§

beas, En sequentes ex Sanctorum gestis & scriptis depromptas accipe Industrias, quarum usu & exercitio tantum plurimi retulere fructum, ut per illas ceu per gradus scalæ auxilijs gratijsque divinis innixæ ad caelum ad DEVM usque pertigerint. Tibi quoque, si hanc animosè conscenderis, asseveranter polliceri ausim incredibiles utilitates inde promanaturas, quarum (ut ad eas lectandas animû sumas) magis præcipuas paulò post referam.

Vnum te admonitum velim, ut si statum Religiosum proficearis, artem hanc præ alijs tibi addiscendam esse persuasum habeas: quo enim alio fine parentibus, amicis, Mundo & Templo relictis terrestris hoc Sanctæ Religionis caelum ingressus es, nisi ut Beatarum in Cælo Mentium, quoad liceret, exemplum imitatus DEO tuo quam posses proxime conjungereris?

A 3

male

malè tecum agitur, si relicto Mundo
DEVM tuum nec quærere fatagis, ne
que totum te amori, totum servitio
ipſius consecrando illum invenire al-
labores; sic enim fiet, ut nec in hac
nec in æterna illa vita DEO fruaris,
imò nec ipſo Mundo, erisque adeo
ipſis etiam brutis animantibus infe-
licior, quas temporaneâ saltem sen-
ſuum delectatione perceptâ nulla post
vitæ interitum manent supplicia. Te
verò, si vitam in Religione malè tra-
ducas, sensibilibus bonorum famem
prope ad insaniam usque excruciabis,
neque tamen, prohibente nimirum
ac obstante statûs tui conditione, eam
exsatiare dabitur, atque ita post hanc
adeò calamitosam vitam & mortem
adhuc acerbiozem coram DEO seve-
rissimo Iudice comparandum erit, il-
lo scilicet Iudice, quem, quia aman-
do Sponsum ac Patrem experiri nolui-
ſti, senties Vindicem.

Fac

Fac ergo, ut quod necessitatis est,
 sit etiam Virtutis, nec displiceat illud,
 quod, utilitatis tuæ causâ permotus,
 in istis Industrijs agere tibi que sugge-
 rere instituo. Sume animum, & re-
 ipsum ad exercitium sequentium in-
 dulariarum animosè roborâ, & si do-
 losus ille veterator (Dæmonem dico)
 primos conatus acerbâ quadam & in-
 sipidâ amaritiei inficere tentabit, ne
 animum despondeas, certus, Benig-
 nissimum Numen conatus tuos divi-
 næ gratiæ suæ saccharo, ipso pro-
 gressu, dulciores reddi-
 turum.



A 4

UTILI.

Fac